



Sello o bua Puo ya Matshwao

Tebogo Matshana

Tebogo Matshana





Kgaitadiake, Sello, ke susu.

O bua a dirisa Puo ya Matshwao.

Fa re tsoga, re a dumedisana.


“Madume!” re bua ka matshwao.



Fa re fepa dithapi tsa rona, Sello o bua le tsone ka matshwao.

“Dumelang, le kae?” a botsa.

O tlotla le tsone ka Puo ya Matshwao.



Fa ke ntse ke letile kwa ntle ga phaposibotlhapelo nako e telele, ke tshuba le go tima lebone la phaposibotlhapelo gantsintsi.

Ke bolelela Sello, "Hee, e setse e le sebaka sa me!"



Re feela setupu le go kumola mefero mo tshingwaneng.

“Bona, sebokonyana!” ke bua ka matshwao le Sello.

Re ithuta ka diboko kwa sekolong.



Moragonyana mo letsatsing, mmaarona o a re roma.

“Tweetswee re kang maši le sukiri, ke tlaa baka kuku,” o bua ka matshwao.



Fa re fitlha mo tseleng, ke simolola go e kgabaganya.

Sello o tshwara letsogo la me.

O bua le nna ka matshwao, “Ema pele!
Gakologelwa go tihola pele!”



Kwa lebenkeleng, re a kgaogana.

Sello o bona sukiri, ke bona maši.

Sukiri e mo mabeelong a a kwa godimodimo
thata mo go Sello.



O kopa thuso mo mogolong.

Mme fela mogolo ga a tlhaloganye Puo ya Matshwao.


Sello o kwala potso ya gagwe mo bukaneng e e mo go ene.



Kwa gae, re baka kuku le mmaarona.

Fa e fodile, re aesa kuku.


“Monate!” Sello o bua ka matshwao fa a utlwa tatso ya aising.



Re dira tee le go tshelela koko wa rona.

“Ke a leboga,” koko wa rona o bua ka matshwao.

“Go leboga nna,” ausi wa me o bua ka matshwao.



Morago ga teye, re tlosa dilo mo tafoleng.
“O tlhatswa dijana!” Sello o bua ka matshwao.
Bosigo joo, re tlamparelana pele re robala.
“A e nne boroko,” re buisana ka matshwao.



Puo ya Matshwao

Puo ya Matshwao ke puo ya konokono ya Bosusu.

Mme mongwe le mongwe a ka e ithuta.

Go bua ka matshwao go tshwana le puo epe e nngwe, ntle le gore ga e na medumo.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



World Change Starts with Educated Children

Your attribution should include the following:

Title: Sello o bua Puo ya Matshwao

Author/s: Tebogo Matshana


Illustrator/s: Tebogo Matshana

Assurer/s: Tebogo Matima, Dineo Moatshe

Language: Setswana

© Zenex Foundation - Saide 2023

CC BY includes the following elements:

BY  - Credit must be given to the creator

